

重脩浙江通志稿

第九十五册
軍事

重刊欽定四庫全書

重脩浙江通志稿

第九五冊軍事

前浙江通志館稿
浙江圖書館騰錄

內部資料

軍事略目錄

第七章 清代軍事下

第一節 太平軍援浙一

第二節 太平軍援浙二

第三節 太平軍援浙三

第四節 太平軍援浙四

附錄一 天王詔旨

附錄二 李明成諄諭

附錄三 時憲書式

浙江通志稿軍事畧

第七章 清代軍事下

第一節 太平軍擾浙一

清宣宗道光三十年庚戌夏六月上帝會衆洪秀全起事於廣西潯州府桂平縣之金田村馮雲山楊秀清蕭朝貴韋昌輝或作韋正石達開秦日綱胡以晃等皆會平南貴縣武宣陸川博白各地會衆聞風響應蓄髮易服以驅逐胡虜毀滅神像崇奉上帝辨別男女為號召同時廣西三合會廣東上帝會亦集合徒黨攻掠城邑

按洪秀全起事之日各方紀載不一陳微言武昌紀事以為九月初三謝稼鵬金陵癸甲撤談謂十一月初十張德聖賊情彙纂謂在十月武宣縣志作八月夏燮粵氣紀事謂在是年冬民國貴縣志謂在四月茲據清史稿文宗本紀及李秀成供狀太平天國革命史平定粵匪紀畧等書定為六月秋九月十三日清廷起前雲貴總督林則徐為欽差大臣赴廣西剿撫冬十月則徐道卒十一月十二日改命前兩江總督李星沅繼之二十九日洪秀全破清總兵周鳳岐之師於桂平副將伊克坦布戰死自是清軍氣餒每戰輒敗文宗咸豐元年辛亥春正月十八日廣西提督向榮及總兵李能臣周鳳岐等

三路進攻大黃江復為洪秀全等所敗二月廣西巡撫周天爵合向榮軍進討復敗於武宣二十一日洪秀全建號太平天國自稱天王以本年為辛開元年時西曆一千八百五十一年三月廿三日也

按洪秀全以辛亥字與富同音不吉故改為開嗣後訂定天曆并改丑為好改卯為榮

三月初九日清廷派賽尚阿為欽差大臣馳往湖南辦理防堵事宜夏四月十二日李星沅卒於軍秋七月十五日向榮及都統已清德總兵劉長清等分路進攻桂平連克要隘以兵圍金田十九日太平軍自紫荊山大舉突圍北出以蕭朝貴石達開為前軍洪秀全楊秀清為中軍馮雲山韋昌輝為後軍主將馮雲山破向榮已清德於平南閏八月初一日蕭朝貴等占領永安州馮雲山韋昌輝石達開秦日綱羅大綱之師皆會

按此為太平軍占領城池之始

初七日天王入永安詔各營兵將所得金寶綢帛悉送聖庫補書國庫違者議罪九月二十五日天王詔令兩司馬各統二十五人卒長統一百四人旅帥統五百二十五人師帥統二千六百二十五人軍帥統一萬三千一百五十五人旅五五相乘以為統率殺妖指清軍立功層報監軍總制丞相軍帥轉奏

冬十月二十五日大封王爵以左輔正軍師楊秀清為東王右弼又正軍師蕭朝貴為西王前導副軍師馮雲山為南王後護又副軍師韋昌輝為北王達胞石達開為翼王並封洪大全為天德王及將佐秦日綱羅大綱羅亞旺范連德胡以晃等四十八人任丞相軍師等職有差

按此為封王之始以後王爵迭有增蓋晚年多至二千七百餘人受封年月不可考且與浙事無關概不詳叙

清咸豐二年壬子太平天國壬子貳年春正月賽尚阿督及副都統烏蘭泰等圍攻永安太平軍分路出戰互有勝負二月十六日太平軍突圍東走擬由昭平平樂襲攻桂林清烏蘭泰合道員張敬修擊於仙回嶺太平軍泰日綱等敗走十八日洪大全被擒檻送京師殺之十九日太平軍奮勇突擊廣西提督向榮廣州副都統烏蘭泰兩軍皆大敗天津鎮總兵長瑞涼州鎮總兵長壽河北鎮總兵童元甲鄧陽鎮總兵邵鶴齡等皆戰死折兵四千餘人東王楊秀清等遂出間道直趨桂林二十九日抵城下而清提督向榮已繞道入桂林與廣西巡撫邵鳴鶴登城拒守太平軍圍攻月餘不能克

夏四月初一日太平軍撤桂林圍初四日破興安沿途裹脅兵勢轉盛十六日復破全州二十一日抵湖南永州境二十三日同知江忠源率湘勇逆戰於蓑

衣渡南王馮雲山中礮死太平軍南趨道州二十五日遂佔領之提督余萬清走衡州

按此為攻臨湖南州縣之始

五六月間連陷江華永明整軍經武補益戰具遂棄道東走六月二十七日經寧遠占領嘉禾焚官廨學宮考棚祠堂寺觀殆盡

按太平軍所至輒焚燬祠宇典籍是亦不得人心之一因

秋七月初三日占領郴州焚學宮毀孔子神主十二日蕭朝貴率指揮李開芳侍衛林鳳祥等自間道向長沙攻永興臨之連下安仁攸縣二十日占領茶陵州二十四日入醴陵二十八日趨長沙西安鎮總兵福誠副將伊培立等迎戰敗死湖南巡撫駱秉章等登陴固守蕭朝貴率師圍之連攻二十餘日不下八月蕭朝貴傷礮死提督向榮自桂林統兵和春知府江忠源自郴州先後來援十二日洪秀全楊秀清等棄郴州率大隊向長沙經安仁醴陵沿途號召兵數益衆

九月初二日清廷以連失州縣欽差大臣寶琦阿湖廣總督程商采均革職以徐廣縉為欽差大臣並署理湖廣總督於是太平軍久頓長沙城下迭次猛攻清軍堅守不能克軍中鹽糧大缺

冬十月十九日撤圍渡湘江而走欲取常德為根據地二十二日占領益陽於資江得民船數千隻遂改道順流入洞庭湖揚帆北進清湖北提督傅勒恭武等方駐岳州聞之棄城遁走時清軍在長沙者解圍後均按兵不動惟提督向榮北趨湘陰

十一月初三日太平軍占領岳州獲吳三桂時所藏巨礮及民船無數兵勢益振初五日向榮抵岳州初七日太平軍棄岳州分水陸兩路進攻湖北向榮派統兵常祿王錦繡率師間道赴武昌初九日太平軍左路水師抵漢陽右路陸師占領蒲圻

按此為攻臨湖北州縣之始

十三日檢點黃玉崑指揮李開芳林鳳祥羅大綱等占領漢陽清副將朱翰知府董振鐸等皆戰死十六日兩江總督陸建瀛奏陳長江防禦情形十九日調浙江兵二千人赴安慶防堵

按此為湘兵出境防禦太平軍之始

是日太平軍佔領漢口鎮二十八日清廷命兩廣總督葉名琛廣西巡撫勞崇光訪撫洪秀全楊秀清祖墓二十九日命湖南在籍禮部侍郎曾國藩幫辦本省團練事務

重刊清江雜記卷之六
按此為曾國藩參預軍務之始

十二月初四日楊秀清石達開黃玉崑李開芳林鳳祥羅大綱等以地雷炸塌武昌城牆二十餘丈仰刻占領武昌湖北巡撫常大淳提督雙福布政使梁星源按察使瑞元學政馮瑤元河北鎮總兵王錦繡道員王壽同林恩熙王東槐知府明善等皆死節人民死者數萬人時楊秀清傳令官兵不留百姓勿傷然不能禁也清廷命徐廣縉向榮專辦兩湖軍務以陸建瀛為欽差大臣進防江皖琦善為欽差大臣進防豫南初六日楊秀清傳令止殺並令人民崇拜上帝設立聖庫收藏珍寶開館登記容納居民投屍江中清潔街道初十日設進貢公所徵收金銀錢米雞鴨蛋茶設婦女館以二十五人為一館設演講臺聽講道理十三日令城中壯丁分駐城外以四十五人為一營令長髮老軍為營長統率之十四日設病人館收容患病兵民又設老疾館收容老殘聾瞽

按此為太平軍占領城池後之措施舉例於此以後不再詳叙

同時分兵占領黃州及武昌縣今鄂城二十六日為太平天國三年元旦天王受百官朝賀

按太平天國曆法每年為三百六十六日單月三十一日雙月三十日不置閏亦不合朔望故與清曆西曆皆不同

是日清廷革徐廣緒職以署湖北提督向榮為欽差大臣張亮基署湖廣總督
二十七日以後太平軍連日部署資財軍械婦女登舟

清咸豐三年癸丑太平天國癸亥年春正月初二日洪秀全楊秀清等整軍
東下以春官正丞相胡以晃地官正丞相李開芳天官副丞相林鳳祥指揮黃
正財等率水師兵五十萬人船萬餘隻蔽江而下沿途布告安民並令富人助
餉初三日向蕪收復武昌留副將羅騰龍守之初六日太平軍破蘄水初八日
大破清兵於廣濟壽春鎮總兵恩長等敗死清廷下詔罪己並令堅壁清野團
練自衛十一日石達開先鋒水師占領九江

按此為攻陷江西州縣之始

欽差大臣陸建瀛聞風遁走江西巡撫張芾走南昌十三日石達開棄九江掠
湖口是日左宗棠入湖廣總督張亮基幕府十七日石達開軍攻占安慶獲庫銀
三十萬兩大礮百餘尊守軍潰走巡撫蔣文慶死節

按此為攻陷安徽州縣之始

十八日陸建瀛遁回南京石達開退出安慶十九日占領池州二十日向蕪軍
到九江東移連擊二十一日石達開占領銅陵江蘇巡撫楊文定走鎮江二十

五日石達開督指黃生才占領蕪湖二十六日破清軍於東梁山福山鎮總兵陳勝元戰死二十七日清廷詔陸建瀛革職尋問以江寧將軍祥厚為欽差大臣兼署兩江總督二十八日石達開等連下太平今當塗和州今和縣黃生才進抵江寧板橋鎮二十九日李開芳許鳳祥書文元等軍皆至江寧於牛首山東西善橋等處主營壘二十四座

按太平軍營壘築土為城外繞濠整密柵竹籤蒺藜極為險固三十日水陸各師皆會南京合圍

二月初一日江寧布政使祁宿藻憂憤嘔血死初三日向榮軍來援初三日太平軍猛攻南京糖礮連日夜不絕別隊占領浦口祥厚陸建瀛分頭守禦初十日上午轟塌儀鳳門城牆太平軍衝入殺總督陸建瀛下午聚寶門亦破水西旱西各門皆破十一日晨大隊入城祥厚及副都統霍隆武等退守內城太平軍攻破之祥厚霍隆武等皆戰死駐防旗人二萬餘皆被殺

按此為攻陷江蘇州縣之始

十二日太平軍大舉搜歛凡嘗見頂戴靴服印信書籍者皆死於各門上寫人拜上帝了了上堂等字樣分主男女館百工以類歸行十四日閉門編查戶口男子隨營稱新兄弟婦女入館稱新姊妹並以廣西男女統率之城中西女

死者四萬餘人閭童子三千餘人以為官豎

二十日天王洪秀全抵南京舉行登極典禮一遵洪武元年故事大封將率五分四等侯為五等天地春夏秋冬六官丞相為六等三十六檢點為七等七十二指揮為八等炎水木金土正副一百將軍為九等以下則總制監軍軍師旅帥等凡十六等不止并有朝內軍中守土之分又有女官曰女軍師女丞相女檢點女指揮女將軍等合六千五百八十四人時有精兵六十餘萬女兵六十萬人改南京曰天京以兩江總督衙門為天王府

按此為定都南京之始

二十二日指揮羅大綱吳如孝等占領鎮江楊文定走江陰李開芳等占領儀徵是日欽差大臣向荣率師抵南京結壘於城東沙子岡及孝陵衛

按此為江南大營之始

二十三日李開芳林鳳祥及指揮曾立昌占領揚州靖副將宋占鰲死節二十六日清直隸總督陳金綬四品京堂勝保及吉林黑龍江西安綏遠寧夏等處之兵集於南京作戰者六十餘萬人

三月初七日向荣與幫辦軍務許乃鈞提督蘇布通阿鄧紹良總兵和春馬龍泰定三劉開泰等與太平軍戰於鍾山中和橋等處互有勝負

是月大王封李開芳為定胡侯林鳳祥為靖胡侯吉文元為平胡侯自揚州云
合分道北伐初九日欽差大臣琦善及陳金綬勝保等率師至揚州於雷塘帽
兒墩等處結壘相峙

按此為江北大營之始

二十日英使文翰到南京與韋昌輝石達開會晤二十三日通牒東王楊秀清
聲明嚴守中立

夏四月初一日李開芳林鳳祥出師留指揮曾立昌陳世保守揚州十二日春
官正丞相胡以晃夏官副丞相賴漢英率檢點曾天養指揮林啟榮白暉懷等
率戰船千餘號溯江西征

五月初四日胡以晃等再臨安慶初七日復退出同日李開芳等渡河臨歸德
是時太平軍以全力向西北兩路進兵浙江高安寧無事

六月二十四日清幫辦江北軍務刑部侍郎雷以誠創行釐金章程於商賈中
值百徵二三不等以裕軍餉初設卡於揚州仙女鎮後募賓錢江議也嗣後各
省次第倣行

按此為設卡抽釐之始

秋七月二十四日曾天養等由江西饒州府占領樂平賴漢英石貞祥等敗湘

軍羅澤南郭嵩燾等於南昌

八月初二日李開芳入山西占垣曲二十三日石達開再入安慶據險設防為久守計以安慶為天京上游要地也

九月二十七日李開芳等入直隸占靜海

冬十一月初六日法使布爾布隆到東京

十二月初一日曾國藩設船廠於衡州及湘潭

按此為湘軍水師之始

十五日太平天國開科取士是日為天曆十二月初九日

按試期遂有更改大抵三月初三考文秀才十三考武秀才五月初五考文

舉人十五考武舉人九月初九考文進士十九考武進士

十六日胡以晃曾天養等攻占廬州安徽巡撫江忠源布政使劉裕珍等皆死

節知府胡元燁降

按是時安徽以廬州為省會

清咸豐四年甲寅太平天國中寅肆年春正月初七日為天曆四年元旦初八日北伐軍定胡候李開芳請胡候林鳳祥手胡候王文元劉胡候朱錫珮以北地嚴寒後軍無繼由天津府之獨流鎮退却死亡甚多楊秀清命夏官正丞相

黃生才副丞相陳世保冬官副丞相許宗揚等率師往援十五日國宗召黃祥
章俊等大破湖廣總督吳文鎔於靖城文鎔自殺二十六日湘軍水師編練成
軍二十八日曾國藩率塔齊布周鳳山朱孫詒儲玖躬林源恩鄒世琦鄒壽璋
楊名聲曾國葆等水陸各五千餘人傳檄聲討以非聖無法裁棄人倫毀像焚
書殃民濫殺等罪罪之

二月二十七日吉文元戰死於阜城

夏五月初一日美公使麥蓮到東京

六月初二日國宗韋俊及地官副丞相黃再興指揮陳玉成等再占武昌湖北
布政使岳興阿等死節二十六日天京米糧不足計日減糧男日給半斤女日
給六兩

秋閏七月十六日太平天國在武昌開科取士二十七日天京傳給女館口糧
八月二十三日湘軍曾國藩攻克武昌漢陽二十四日國宗韋德珍再占蕪湖
浙江防軍潰走廣德州

九月初七日曾國藩率湘軍三路東征二十日天京舉行天試冬十二月十九
日為天曆五年元旦二十五日召達開及豫王胡以晃忠貞侯林啟榮冬官正
丞相羅文綱敗湘軍水師於湖口清咸豐五年乙卯太平天國乙榮元年春正